

霄

鵬

先

生

遷

著

醫林獮要

吳鞠通方歌

陳修園方歌

貽令堂雜俎

與婿遺言

宣統三

年五月

刻成

霄鵬先生遺著敘

從兄霄鵬先生著書滿家率多未就其醫林獮要吳
鞠通方歌陳修園方歌貽令堂雜俎與壻遺言凡此
五種俱各一卷乃其弟茝棠命子秩南編校而成者
夫先生爲嘉禮童子之師其誨人不倦循循善誘嘉
禮旣親炙而深知矣卽其多文爲富樹德務滋雖終
身固窮不達而人之傾心景仰者亦已遠近交馳此
書一出先生之本真乃可畢見吾知人之愈加景仰
者殆可推諸百世而無疑也顧茝棠之於先生胡爲
勤懇若斯哉蓋先生專心求學家人生產未暇分治

芟棠行商於外。得以其間代算銖錙。故先生之愛芟棠。與芟棠之敬先生。非他人可比。其怡怡。每見伯氏吹壎。仲氏吹箎。歲時聚首。樂以忘疲。先生則教以作人之法。與涉世之規。取古來嘉言懿行。數爲詮解。而芟棠孜孜聽受。惟恨日晷之速移。芟棠得先生陶淑。旣克自端。趨向而於鄉黨朋友。更能當仁不讓。見義勇爲。先生歿後。芟棠念無以報。故刊厥遺著。冀以永德業之垂。其醫籍也。簡練以爲揣摩提要。以爲津筏。不偏不倚。堪挽救夫。晚近庸醫。其雜俎也。經史理文。繽紛燦列。若考據若議論。無不取博達而去新奇。嘉

禮得次第奉讀。不禁手舞足蹈。幾如暴富之貧兒。吾知先生學術通明。讀書精細。文苑中應寄一枝。卽芟棠切念同懷。無分存歿。以視世間涼薄子。奚啻天壤之判。高卑乎。嘉禮仰旣翁之兄弟。覩不朽之文詞。爰述梗概。用表遐思。

宣統元年三月。受業弟嘉禮謹敘。

貽令堂醫學三書敘

醫家者流。各出偏見以立言。其書已汗牛充棟。惟南人重溫病。北人重傷寒。守師說而不揆病情。久若水火之不相濟。自吳氏鞠通著溫病條辨。陳氏修園著十六種書。而吾粵醫家多好而偏守之。夫好之誠是也。若偏守則誤矣。醫理至微。詎一家之師說一方之病情所能包其治法。卽以內經而言。凡曰某病必死。某脈不治者。今人遇之未必盡然也。又本草經凡曰多服不老。久服輕身者。今人用之未嘗見效也。豈古人之病之藥與後世不同乎。抑古人之術尙疏而後

世漸歸精密乎總之泥其文而偏守未有不殺人者
況後出之書也黃霄鵬鄉先生以儒爲醫其性靜其
心通遇症雖難應手而愈自述所長則曰認症真用
藥活溯其所學則徧讀醫籍而能摘要以爲揣摩其
生平注意之書尤以吳陳二家爲最嘗著二家方歌
各一卷以症分類因類括方間參己意變其藥品又
著醫林獵要一卷不求深巧但取簡明採非一家盡
期有用蓋準病情而通師說不欲蹈偏守之魔也世
有欲窮醫秘而苦無涯涘者以此爲津筏則擇術或
不至歧誤歟光緒庚子歲二月里人黃家駿

敘

許世子不嘗藥。春秋誅其不孝。蓋謂人子事親。不可以不知醫也。然人子每不能通習之者。彼非不欲盡事親之道。識力限於天。塵事奪於人。勢有所不能。故付之無可如何。而不求甚解耳。醫門嚮導。素無善法。著書者非高深其說。卽鄙倍不可卒讀。而後學屢以爲難。豈不重可憫哉。任恆素不知醫。思事親不可以無術。而欲致其道。久愧未能。遇有應盡嘗藥之時。則惟取伯父霄鵬公之遺書。循道以求功。十年來。於他書別無所獲。蓋識力淺。塵事牽。不足以通習之也。而

公所著述喜無高深鄙倍之弊足示後人則其書可
無以傳之乎公在時舉家大小皆賴全活自歸道山
後諸父兄如失左右手有病則徬徨無計恨不能呼
公起於九原或欲研究遺書則又扞格而不知所用
蓋以公天年不永修業未竟淺嘗者讀之莫能倉猝
以求也然則其書又可不爲之注校乎任恆知其然
取而編之得書三種曰醫林獵要曰吳鞠通方歌曰
陳修園方歌其方歌則公所自撰任恆將吳陳原書
以爲注使覽者易明每條必注出處間有公所自注者則以原注二字別之任恆若有疏明之語則以案字冠之其爲公之原文而非歌語者則低一格寫之其方非此書常用而公未撰歌

者亦於每類之其獵要則公輯前人醫說積書盈案
未低一格寫之其獵要則公輯前人醫說積書盈案
未成而卒而任恆但摘其簡明者編之也嗚呼我公
既往其精神餘緒猶寄簡策以存後人奉而讀之足
以事親與否雖不敢知而任恆爲子嘗藥以來得稍
免夫大過者皆此書是賴則嚮導初學其所資益爲
何如哉

光緒二十五年龍集己亥冬十二月任恆識

...

...

...

霄鵬先生佚事

關棣輝

黃霄鵬先生嘗館於吾鄉關氏祠時先生年弱冠因館穀微食無肉惟以糖蒸豬膏脰月必數舉舉祇數錢三四日尙有餒餘時人呼爲膏脰先生名其儉也棣生稍後不獲受業其門然族中長老至今猶有道先生之品學者攷膏脰一物生兩腎間非脂非膏乃命門三焦所發原頤養賴之故謂之脰然則先生不惟節用且善養生矣夫腎苦燥而欲潤久不肉食燥卽易生先生此舉殆消息陰陽之作用與時先生年少志高非專力於醫而偶用一物已合養生之旨况

經數十年研究其精粹爲何如也。棣嘗友教於西瑤橋邊。鍋底飯焦。常不忍棄。每病便結。師先生之法。食輒有效。此亦私淑之一端。蓋腎司二便。一潤而無不潤矣。今讀其書。得窺全豹。當必有小用小效。大用大效。而隨手奏功者。因書此以爲讀先生遺著者勸。

與族弟勞敬修札

黃貫之將尊甫醫書刻成。送我及大兒各一部。取而閱之。提要鉤元。簡明切當。此誠學醫者之門徑。立方者之準繩也。循覽之餘。敬仰何極。丁未九月初五日。兄肇光頓首。

與黃芡棠札

賜來令先兄醫書五部。謹卽拜登。夫醫學不傳久矣。庸妄者昧東西。聰明者尙高古。懸壺之下。求其平正通達。不謬於四聖者。戛戛其難。令先兄多採名言。不矜己見。述而不作。足徵謙慎之

心而辨症秘法。揭示獨詳。疊障重門。盡開其鑰。弟學醫頗久。閱人亦多。不圖見此要書於今世也。亟爲分賜兒女。奉作金針。他時伊輩稍識衛生。皆是閣下與先德之賜矣。謝謝。丁未九月。弟高祉元拜上。

覆黃秩南札

令先伯霄鵬先生。嘗與拙先兄錫田先生同聯課社。故知令先伯獨詳先兄稱其醫理湛深。所藏醫籍不多。便造精微。可謂讀書得間。今蒙尊大人寄到令先伯大著。敬領披閱。覺其選擇得